

# АДОЛАТ

ИЖТИМОЙ-СИЁСИЙ ГАЗЕТА

gazeta@adolat.uz • www.adolat.uz • № 16 (875) • 2012 йил, 20 апрель, жума

## Оқсаройда қабул

Ўзбекистон Республикаси Президенти Ислам Каримов 19 апрель куни Оқсаройда “Лукойл нефть компанияси” очик акциядорлик жамияти президенти Вагит Алекперовни қабул қилди.

Учрашувда “Лукойл НК” ОАЖнинг Ўзбекистондаги қатор сармоявий блокларда геология-разведка ишларини бажариш ва углеводород конларини ўзлаштириш соҳасидаги фаолияти, шунингдек, Бухоро вилоятида газни қайта ишлайдиган янги завод қурилишининг бориши муҳокама қилинди.

Президент Ислам Каримов “Лукойл” ОАЖ геология-разведка ишларини самарали амалга оширгани туфайли Қандим гуруҳи ва Хавзак-Шоди конларида, Хисор минтақаси ҳудуди ва Кўнғирот участкасида, шунингдек, Сармоядорлар консорциуми таркибида Орол денгизининг Ўзбекистонга қарашли қисмида углеводород захиралари ҳажмини оширишни таъминлаш имконига эга бўлганини таъкидлади.

Учрашувда қайд этилганидек, “Лукойл” ОАЖнинг учта инвестицион лойиҳа бўйича Ўзбекистон нефть-газ мажмуига киритган тўғридан-тўғри сармояси ҳажми 2 миллиард АҚШ долларидан ошди. Умуман, “Лукойл”

компанияси иштирокидаги барча лойиҳаларни ижро этиш даврида 5 миллиард доллардан зиёд сармоя жалб этиш режалаштирилмоқда. Ўзбекистон углеводород хомашёсини чуқур қайта ишлаш ва юқори қўшимча қийматга эга маҳсулот ишлаб чиқариш соҳасида ҳамкорликни ривожлантиришдан манфаатдор экани таъкидланди.

В.Алекперов самимий қабул ва “Лукойл” ОАЖнинг Ўзбекистон нефть-газ соҳасидаги фаолияти натижаларига берилган юксак баҳо, шунингдек, ўзаро манфаатли йирик лойиҳаларни амалга ошириш мобайнида яратилган қулай шарт-шароит учун давлатимиз раҳбарига миннатдорлик билдирди. Меҳмон ўзи раҳбарлик қилаётган компания ўзбекистонлик шериклар билан узоқ муддатли ва самарали ҳамкорликни давом эттиришга тайёр эканини алоҳида қайд этди.



## Муҳокамада янги қонун лойиҳалари

улар жамият ва давлат истиқболини жадал тараққий эттиришга хизмат қилади

### Фракция йиғилиши

Олий Мажлис Қонунчилик палатасидаги Ўзбекистон «Адолат» социал-демократик партияси фракциясининг қонунлар лойиҳалари муҳокамасига бағишланган навбатдаги мажлиси бўлиб ўтди. Депутатлар, партия фаоллари, тегишли вазирлик ва идоралар ҳамда ОАВ вакиллари иштирок этган йиғилишда дастлаб, «Риэлторлик фаолияти тўғрисида»ги Ўзбекистон Республикаси Қонуни қабул қилинганлиги муносабати билан «Суд ҳужжатлари ва бошқа органлар ҳужжатларини ижро этиш тўғрисида»ги Ўзбекистон Республикаси Қонунига ўзгартишлар киритиш ҳақидаги қонун лойиҳаси муҳокама қилинди.

Таъкидландики, мазкур қонун лойиҳасида хатланган мол-мулкни реализация қилишни тартибга солиш назарда тутилмоқда. Кўчмас мулк объектларига ва уларга бўлган

ҳуқуқларга доир битимлар тузиш, шу жумладан, кўчмас мулк объектларини ва уларга бўлган ҳуқуқларнинг савдосини ташкил этиш билан боғлиқ хизматларни шартнома асоси-

да кўрсатиш риэлторлик фаолиятининг асосини ташкил қилади. Шу муносабат билан лойиҳада «Суд ҳужжатлари ва бошқа органлар ҳужжатларини ижро этиш тўғрисида»ги Қонуннинг 56- ва 63-моддаларига хатланган кўчмас мулкларни риэлторлик ташкилотлари томонидан, хатланган автотранспорт воситаларини эса савдо ташкилотлари томонидан реализация қилишни назарда тутувчи ўзгартишлар киритиш таклиф этилмоқда.

Муҳокама жараёнида сўзга чиққан фракция аъзоси К.Ҳамидова қонун лойиҳаси устида ишлаш жараёнида ундаги меъёрларни Фуқаролик Кодекси билан таққосланганлик даражасига алоҳида эътибор қаратган бўлса, де-

путат З.Ботирова қонун лойиҳаси замонавий ва прогрессив эканлигини таъкидлаб, тегишли ташкилотлар билан ҳамкорликда унинг тарғиботига бағишланган давра суҳбатлари ўтказиш таклифини илгари сурди. Мазкур тадбирлардан олинган фикр-мулоҳазалар асосида қонун лойиҳасини янада такомиллаштириш имконияти кенгайтирилиши таъкидланди.

«Суд-ҳуқуқ тизимини янада ислоҳ қилиш муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида»ги қонун лойиҳаси ҳам депутатлар диққат марказида бўлди.

Давоми 2-бетда ➤

### Фармонга партия муносабати

«Кончилар шаҳри», «Нурчилар шаҳри» сифатида донг таратган Ангрен янада ривожланиши, тараққий этиши учун фармонлар яратилаётган бўлди: 13 апрель куни Ўзбекистон Республикаси Президентининг «Тошкент вилоятида «Ангрен» маҳсул индустриал зонасини барпо этиш тўғрисида»ги Фармони эълон қилинди.

## Имкониятлар улкан

гап улардан самарали фойдаланишда

Албатта, мазкур Фармон нафақат бугунги кунда тўққиз юздан ортиқ корхона, хизмат кўрсатиш ва сервис шохобчалари фаолият кўрсатаётган Ангрен шаҳри, балки бутун минтақа, қолаверса, республикамиз учун алоҳида аҳамиятга эга. Зеро, аграр соҳанинг ўта муҳим аҳамиятини эътироф этган ҳолда, бугунги кунда мамлакат тараққиётини, салоҳиятини жаҳон бозоридagi рақобатдошлигини айнан сановат маҳсулотлари белгилаб бераётганини сир эмаслигини қайд этиб ўтмоқчиман. Фикримизни 2008 йили Навоий вилояти аэропорти ҳудудида ташкил этилган «Навоий» эркин иқтисодий-индустриал зонасида эришилаётган ютуқлар мисолида ҳам тасдиқласак бўлади. Мутахассислар яқин йиллар ичида Навоий вилояти Марказий Осиёнинг қолаверса, Буюк Ипак йўлининг марказига айланишини башорат қилишмоқда.

Давоми 4-бетда ➤

## Буюк келажак учун дахлдорлик

### Мактабга эътибор, келажакка эътибор



Собиқ тузум пайтида мактаб дейилганда савод чикариладиган жой тушуниларди. Ҳаётнинг асосий вазифаси ўқувчини ёзишга ва ўқишга, партада тўғри ўтиришга, бир нима сўрамоқчи бўлса, ўнг қўлини кўтаришга ўргатиш эди. Шу амалларни ўзлаштирган бола аълочи ва тарбияли ҳисобланарди.

Бугун умумий ўрта таълим мактаблари олдида қўйилган талаб бутунлай бошқача. Аксарият бола оилада, мактабга тарбия муассасаларида савод чиқариб, биринчи синфга бозор муносабатларидан, компьютер саводдонлигидан, телефон алоқаси, телекўрсатувлар мазмунидан дурустгина хабардор ҳолда келади. Демакки, мактаб эндиликда фақат саводхона эмас. Ўқувчининг одоб-ахлоқи, дунёқараши, катталар ҳаётида кеналашган воқеа-ҳодисаларга, атраф-муҳитга муносабати, дунёни англай бошлаши айна шу йиллари шаклланади.

Давоми 5-бетда ➤



## Юксак ҳуқуқий маданиятли ёшлар

жамиятда қонун устуворлигини таъминлашнинг гаровидир

### Семинар

Олий Мажлис Қонунчилик палатасида Ўзбекистон «Адолат» СДП фракцияси томонидан «Ёш адолатчилар» қонун, Республика Бош Прокуратураси, Адлия вазирлиги ҳамда пойтахтдаги қатор олий ўқув юрталари билан ҳамкорликда «Ёшларнинг юксак ҳуқуқий маданиятини шакллантириш — жамиятда қонун устуворлигини таъминлашнинг мустаҳкам асоси» мавзусида семинар ташкил этилди. Унда Олий Мажлис қўйи палатаси депутатлари, тегишли вазирлик ва идоралар вакиллари ҳамда талаба ёшлар иштирок этишди.

Давоми 3-бетда ➤

## Жаҳон иқтисодий тизимига интеграциялашув

мавжуд қонунчилик базасини доимий равишда такомиллаштиришни, уни халқаро меъёрлар ва андозаларга мослаштириб боришни тақозо этмоқда


### Депутат минбари

Юртимизнинг барқарор суратлар билан ривожланишида иқтисодий тармоқларига жалб этилаётган инвестициялар, кичик бизнес ва хусусий тадбиркорликка яратилаётган кенг имкониятларнинг аҳамияти бекиёс. Бу ўз навбатида, замонавий ишлаб чиқариш субъектлари фаолиятининг йўлга қўйилиши, янги маҳсулот турларининг ўзлаштирилиши, ички бозоримизни арзон ва сифатли маҳсулотлар билан тўлдириш ҳамда аҳоли бандлигини таъминлашда муҳим омил бўлаётир.

Давоми 4-бетда ➤

### Ҳар қандай сиёсий партия фаолияти давомида, энг аввало, ўз электорати манфаатларини тўла ва самарали ифода этишга интилади.

— Бундай савий-ҳаракат, ўз навбатида электорат ва сайловчиларнинг ишончини қозонишга, халқ орасида обрў-эътибор топишга мустаҳкам замин бўлиб хизмат қилади. Аёнки, бу мақсадга эришиш бевосита калдрлар салоҳиятига, уларни танлаш, тарбиялаш ва жой-жойига қўйиш билан боғлиқ ишлар самаралорлигига бориб тақалади.



2-бет

### Тайёргарлик ўрганилди

“Умид ниҳоллари — 2012” ўйинларининг очилиш маросими ва бошқа тантаналарини ўтказиш учун 11 миң ўринли стадион қуриб битказилди ва пардозлаш ишлари якунланмоқда. Курувчилар томонидан қисқа вақтда бунёд этилган стадион атрофида югуриш йўлакчаларидан ташқари замонавий спорт заллари, қўшимча хизмат хоналари, тиббиёт, санитария, машгулотлар хоналари ҳам барпо этилди.



5-бет

### Фақат тўй ва маърака учун дунёга келганмизми?

Менинг назаримда, кейинги йилларга келиб миллатдошларимизнинг анчагина қисмининг ташвиш-ўйи, муаммоси тўй ёхуд маъракаи қандай қилиб “эл қатори” ўтказиш бўлиб қолгандек. Айниқса, айрим жойларда маърака сарф-харажатлари тўйниқидан ошиб тушаётганлиги ҳам ҳақиқат. Илло, “эл қатори” деб аталган шартли “планка” тобора осмонга кўтарилиб бормоқда, уни ошиб ўтишга унча-бунча одамнинг қурби етмай қолапти.



8-бет













